


Taka kubna no je'eñ jinkantay ni chi gua ne'e núni



Ama chi kunee

Nonechi kuchi taka kubna no je'eñ jinkantay ni chi gua ne'e núni, nukue chi tuku sne juu mu'un nee ñe'e chu chi kubna ñe'e chi tuku jiné muu. Nechi nuu ama iña chi jikadi jidinay tumin yeabea kubna.

Chi kubna nochí je'eñ jinkantay nee chi ñää kubna ñe nochí jichoo ama jíku. Nüu ama kuo chi jitanë yuna, tumin kujúñuna chete. Kune nöö nochí gua jitanë ñoo. No chi je'eñ jinkantay min gua ne'e núni.

A. Snejú adea ne'e

Anee Chi ne'e

- 2 Kuu chi jinu tiba
- 5 Bariyas
- 6 Yuntú diko yäta (1.80 yoo chi cheanú ni 2 chi chenuu)
- 25 Yuntú ñe'e ñoo (1.80 yoo chi chenuu y 10 sentímetros chi cheanú)
- 100 Clabos ñee kuú
- 200 Tabikes
- 3 Kuú ñe'e chinba'a
- 10 Bultu ñee semento
- 1 Kuú ñe'e tu'u ñe'e yonuti

Anee Chi ne'e

- 1 Kuú ne'e yonuti
- 1 Kuú ñe'e tu'u chi kuatu da ba'a
- 2 kilu ñe'e *alambre* chi jayata
- 4 Ño'o chi 2.5 chi chenuu
- 1 Tubo ñe'e PVC ñe'e 4 *pulgadas* y 2.5 chi chenuu
- 1 Lunku chi jintine ñe'e PVC ñe'e 4 *pulgadas*
- 4 Bultu ñee kakaño'o
- 1 Kuu chi jinkadi chinba'a

B. Ataka kanechi kubna nochí je'ẽñ jinkantay

Tochi kamo kutoko'o chi kubnanoo je'ẽñ jinkantay, kanechi a deanuy taka nee kubna. Kuee ñe'e, chi dimo gua tumne bií, adikon chi kanejuu.



Loo: Chu'un loo chi jinuy nñoo nii kana chi kubyanu kadku 1.80 nii 2.50 chenuu.


Loo cha nitne: Tuku jo'oñ ñe'e loo cha nitne. Tochi a neutu ni nimo'ono chu'u je'e tu'u cheche, tumin gua kuno nuu.

Chi jinu da'a: Chun chi nane num amachu, juchiba chi jitumne ni ita chi gua jino núni.

Nñoo: Chun chete no je'ẽñ jinkantay bean ñe'e yuntú nina ni jichoba chi jikadi janiy chete.


Chi itukuney: Nochi itukuney chi je'ey jinkantan, bean ñe'e yuntuntú nina.

Baa li: Chuun ama baa lii chi dimo jani.



CH. Chi ataka kubna am ama ñe'e chu

1. Kanu loo ñe'e nochu je'eñ jinkantay. Kadku kane chi kubyanu 1.80 nuku 2.50 num ama.
2. Chi kunu nii da'an kuku bariyas, nuku tuu, nuku *sementro* nuku yonuti. Cha'a jitne, jitokoy nuku nukuü bino baam, jinadi yeabay nio ñe'e nuku *tabikes*. Nio ñe'en gua nuku *cemento* jina. Nukue chu kane chi dama kubna.
3. Kunuy tubo ñe'e PVC nochi kanu nunimv noo ama binon ba'am, nechi kune yata nuku *alambre* nuku *clabos* ñee kuú. Nitchi gua yeabea jine ñe'eñan, tum jinantine nuku runti ñe'e PVC nitochi tane nii nio'o.
4. Kubna chi kanchichi no kunukuy.
Kanechi nuku semento kubna ni gua nukuntu yuntú, kanechi num ama kune nii 30 *sentímetros* kanechi kubii. Chun itn chi gua jino núni nuku jideaku chete kue chu.
5. Kubna noo chi kuatniy, nuku kuudinta niguan ño'o nuku tu'u, *cemento*, núni nuku yonuti. Nñoó, kanechi kuemnutu num ama nochi chani ba'a lim.
6. Kubna ba'a lim, kanechi ne'e nuu ku'ü ño'o eatea. Ño'o eateamin cha'a moo ño'o je'e 30 niguan 40 *sentímetros* noo nukuü ñe'e ba'am, tumi gua ku jea.



7. Kune nuinu bii, nuku yuntum nii kanchichi nuku *clabos* nosne yuntuchi eateam. Kanechi ama chea bino ba'alim. Jinantu ama nochi jino yun icha.
8. Cha' anan kadiy ti'in tubiy Kuu chi jinu tiba nuku kune chichiy nuku *alambre* nuku *clabo*. Nii tin, kanechi kuna lii tumin kadi kano *tubo* ñ'e PVC, chi jika ni ñee nii nioo. Nii tin bamin kanechi kutakue tumin tochi kue kubiin, tumin gua kue jitu nuni chete.
9. Kubna nochi kutuku ne'ey nukun yuntú ti'im nuku tuntu eatea. Nii kadin tuu chu kuua ama chi a nina. Nochi, kutukuyamin gua kanechi too yaku kubi, tumin anar dikaya tubiyan taney chi kutukuy.
10. Cha kuinu, kunu chinti, michi ne'entu yuntú ti'im nuku kuu chi jinkadi chinba'a tumin kadi nanani nii kadi nanudi. Nitchi ne'e, kuu cheten kunentu kuu ñe'e chi nangadi chichi tochi cheete snuñ.



D. Tumin noo kä kubi

- Kunenoo chi gua kuno nuni nii chete kue, nitchi kunon kaba che'e.
- Gua kunu nunu jineachea.
- Nanub deabea chete.

- Nanudi tni chinti.
- Kuin Job jobe, amli kakaño'o ñe'e 15 sentímetros, obe buelta ama jobe.
- Chi gua kaba che'e nukuchi kani nabini chi ñañe'eñ, adi deanuntu jiyeye kadi kunu.